

۷۷

تاریخ رومی ۱۳۲۹

نومرو ۱۳

تاریخ هجری ۱۳۳۱



اگستوس ۲

# اعتقاد لری

۱۲ رمضان

جمعه کونلری نشر اولنور اسبوعی اسلام جریده سیدر .

اقوم السیر محرری یوسف سعاد افندی

حضر تلمیذ

افندم !

ارسالیه تاطیف بیوردیغکز رساله جوابیه  
اووقودم . تمهیداتکزی مفید ، مدافعاتکزی  
ملزم بولدم . ملزم دیورم ، مقنع دیورم .  
چونکه منتقدک تفکراته کوره دکل ، تفوهاته  
کوره مدافعه ایتش سکز . اصول مناظره  
اقتضاسیجہ خصمک کلامی ، بحثک عمادی اولمق لازم  
کلورسه ده بوطر ز حرکت ، خصمک تفکراتی تفوهاتی  
تکذیب ایتدیکی مناظرلرده اختیار اولور .

« اقوم السیر » منتقدینک « یقولون بالسذم  
مالیس فی قلوبهم » ده داخل بولندی ایه شهود  
عادل و بینات متواتره ایله ثابتدر . آنک  
ایچون الزام المقر طریقته بدل اقناع المنکر مسلکی  
طوتمش بولما کزی ایستردم . باخصوص الزامک  
نتیجه سی ، خصمک انهمای در ، یوقه حقک  
انجلاسی دکادر . جریان مناظره نک نتیجه سنه  
نصب نظر ایدنلر ایه خصمک انهماندن زیاده  
حقک انجلاسنه اهمیت ویررلر . چونکه مباحثه دن  
انجق بوسورتله مستفید اوله بیلورلر . اثر  
فاضلانہ کزی بو جهتن جرح و انتقاد ایتکله  
برابر دیگر جهتن ده تعدیل و تزکیه ایتک  
مجبوریتنه قالیورم .

ناصل قالمایه بیلورمکه خصمک تفکراتی  
تفوهاتنه زیاده بوزوقدر . نقش بر آب قیلندن  
اولان تفکراته استناداً لقردی سونلک ، عبث  
صایلماسیدی اوزمان مؤاخذا تمهیداً حقلی  
اوله بیلوردم . حالوکه اوراق اشجار ، روزگار ایل  
ایله نه قدر انقلاب کیریورسه خصمک تفکراتی ده

اسلامیه غیر واقف اولدقلری کی سیاسته ده  
واقف دکلدردر . زیرا بولورده ذره قدر سیاسته  
وقوف اولسه حائر خلافت اولان بر حکومت  
اسلامیه نک کچیرمکه اولدینی بحران عظیم  
اثناسنده و بحسب الدیانہ بتون عالم اسلامدن استعداد  
واستعانه ایدلدیکی بر زمانده اهل اسلامک دینی  
مقدمساته جاهلانہ و مہینانہ تعرض و هجوم ایدرک  
مسلمانلری دلکیر ایدرک حرکات رزیلانہ و ترهات  
جاهلانہ ده بولمز لر . غیری شوکه قوص قوجه  
بر حکومت اسلامیه پی ده کندی فکر مسموملرینه  
مشارک کوستر مکله لکه لکه ایسته یورلر !! . بولر  
یا لکزدیانتسز و سیاستسز لکه ده قالمازلر بلکه بولرجه  
ناموس و حیثیتک ده قدر و قیمت یوقدر زیر بولر  
ناموس و حیثیت رعایت کار اولسه لر توسیع سفره سفاهت  
وشناعتارینه مانع اولمق ایسته بن خواجه و سائرہ نک  
بر طاقم افترا و بہتانلر لرله ناموس و حیثیتلرینه  
طوقونمق ایسته منزل . صولک سوز اوله رق بو  
محتدلره !! دیرمکه غیظکزدن چالسه کرده  
باطله سه کرده امید ایتدکلر بکزه امید کز و جهله نائل  
اولمیه جقسکز . چونکه نه دین اسلام بر دین  
محر قدر نه ده علمای اسلام رها این نصرانیہ دندر .  
فاتح درسعاملرندن طرسولی

مصطفیٰ نعیم

مدرسہ

مقالات فاضلانہ سنی پی در پی نشره باشلادیغمز  
مصطفیٰ نعیم افندی برادر مزک بوندن اولکی  
مقاله سنک بر فقره سنده کی « کچممش » کلمه سی  
سہو ترتیب اثری اوله رق « کچممش » حروفاتیله  
دیزلش بولندیغندن عفولری ری رجایده رز .

روزگار او هام ایله اوقدر تقبل و تحوله معروض بولدیغنی بیلورم . بنای بجی بویه افکار اوزرینه قورمقی قدر فائده سز بر سبی تصور اولنه من . بناء علیه طریق الزامی التزام ایتمکده قسماً حقلی سکز .

یالکز قیلنج زاده دکل ، هم فکر لرینک هیچ بریسی ثابت بر قناعت صاحی دکدر . بونلرک بتون محاوراتی فن لقر دیلر یله کچر ، سطور محرراتی فن کله لر یله طولار . فقط امین اولنکر که فن ندر بیامز لر . فن نامه یکانه سرمایه لر ی یالکز فن لفظی - اولکده معناسی بیلیمه رک - بالله مش اولمالر ندن عبارتدر . اگر اولنر فن شناس اولسه لر هر وجهه خصم من اولدقلری حالده ینسه مملکت مزده فن شناس بولبور دییه افتخار ایده حکم . فقط هانیا زرده .

بزم حقوقر اوروپا لیلرک مقررات ظالمانه سی آلتنده ناصل ازیلورسه اوروپا لیلرک علوم وفنونی ده بونلرک تقلید جاهلان لر یله اوله جهه تحقیر کوریور . موجودیت منسه بو وجهه اولسون اوروپا لیلره مقابله بائیلده بولندقلرند . نطولایی ینه بونلری تقدیره سزا کورمه لی یز ! . . . بونلرک کولنجلی حیرتمی جاب ایدن خاطرات طفلانه لر ندن بریده اصحاب عمامتک فنونه بیکا . نه لکنی ایلری سوردرک نهجه یله قالدشمه لر ی در . غالباً ینه بوسنه اوله حق ، جرائد یومیه نک برنده « مکتب - مدرسه » عنوانی آلتنده بر مقاله یه تصادف ایتمشیدم . محرر جناب لری ، علمه مزه برچوق سوزلر سوبلور دی . خاطر مده قالدیغه کوره بر فقره سنده دیبور دیکه بونلر حالا کره ارضک ساکن اولدیغه اعتقاد ایدر لر . بو متحرک اعتقادی محرره صورولسه که سزک بو درلو اعتقاد کزدن ملاک و ملت نه فائده حاصل اولدی ؟ ، وارضک حرکتی هانکی دلیل ایله ثابتدر ؟ ، ونه کی شرائط داخلنده دوران ایدیور .

عجیبا نه یولده جواب ویره بیله جکدر . ظن ایدرسیم بو بسیط سؤال لک قارش - وسنده بیه آیشوب قاله جقدر . هله محرر بکی یورمقی ایستهمده دیسه مک اوت ارض ساکندر . چونکه ارض بو قدر ثقل و عظمت یله برابر متحرک بولنه جق اولسه بتون موجودات مجسمه خرده خاش اولور . ناصلکه عمومی دکل خصوصی حرکت ارضلرده بیه بو حالی عیناً مشاهده ایدیور . بودفعه ببتون شاشا لایوب قاله جغنده هیچ شبهه ایتمورم . دکلزیا : هایدی ارضک سکوتی ، اعتقادنده بولنم . عجیبا دقیقه دن دقیقه یه اعتقاد ده کشدر مک نهسه بر اعتقادده ثبات ایتمک دها فنامی اولور ؟ . عزیزم !

بونلرک فذشنانی تعمیر مختصر یله اژدن مؤثره استدلالتن عبارتدر . میدانده موجود بر اثر کورور لرسه اونی مقتضای فن صایار لر . یوق اگر کورمز لرسه ضروریات فیه دن اولسه بیه محالات فیه دن عد ایدر لر . قیلنج زاده نک یارمقدن قان یرینه سود آقمنی محالات فیه دن صایمه سی ده ایسته بو قبیل فذشنانلقدن ایلری کلور . مواد غذائیه نک قانه انقلابی ایجابات فیه دن صایدیغی سالده عین محله و عین شرائط دائره سنده سوده انقلابی محالات فیه دن صایان بر کیسه نک فن نامه میدانده آتیلیمه سی قافله جهایله قاتیلیمه سی ایجاب ایدر . اگر بونلر قرون مقدمه ده بولنش اولسه لر دی ده کنیدلرینه مخترعات حاضر دن بحث ایدلره ایدی فن قطعاً بو کی شیلره مساعد دکدر دیرلردی . فقط شمدی دییه بیور لر . چونکه آثار میدانده در . بوکون برینک بارماغدن سود آقمن قیلنج زاده همان اودقیقه ده چوریلرک قنأ بویه اولمی لازم کله جکندن دم وورور .

احمد شیرانی